

之分嫩鬢甫黑始歸道德之源嘆古人六十四歲將謂休得先  
聖八十一章來受用拊膺落涕緘口捫心從來作用功勞捕風  
捉影此日虛無訣法點鐵成金恭惟聖師泥丸翁翠虛真人拓  
世英雄補天手段心傳雲雨深深旨手握雷霆赫赫權顧玉蟾  
三代感師恩十年侍真馭說刀圭於癸酉秋月之夕盡歸於乙  
亥春雨之天終身懷大寶於杳冥永劫守玄珠之清淨先覺詔  
後覺已銘感於心傳彼時因此時愈不忘於道念忽承鶴使擲  
示鸞牋戒回會於武夷有身還被阻將殞軀於龍虎無翅可飛行  
雨卧風餐奔歸侍下且此山瞻斗仰甚切愚衷擢犀角磨象牙  
當效行持之力攀龍鱗附鳳翼願參狝舉之雲先貢菲詞少申  
道藏輯要

白真人集

巽

叟集五

素志匪伊聽謹感激何言大宋丙子閏七月二十四日鶴奴白

玉蟾焚香稽首再拜

贊

第一代祖師正一靜應真君諱道陵字輔漢

雲錦山前煉大丹六天魔魅骨毛寒一從飛鶴歸玄省烟雨瀟

瀟玉局壇

第二代嗣師諱衡字靈真

光如初戴大丹成有甚工夫事漢靈夜半玉輿飛紫露春風春

雨滿陽平

第三代係師諱魯字公期